

# KOSOVA E LIRË

V JERSHA PREJ  
PIRRO FLOQIT  
NËPUNËS NË KËSHILLIN E SHTETIT.



3149  
5  
74  
SHTYPSHKROJA „A. GJ. FISHTA“  
SHKODER — 1941-XIX

# KOSOVA E LIRË



Nr.inv. I-361 R



821c 18-1

# KOSOVA E LIRË

VJERRSHA PREJ  
PIRRO FLOQIT  
NËPUNËS NË KËSHILLIN E SHTETIT



SHTYPSHKROJA „A. GJ. FISHTA“  
SHKODER — 1941-XIX



# KOSOVA E LIRË

Moj Kosovë, Kosova trime,  
Psè vajton me aq idhnime,  
Psè nuk çon sýt kah Empiri  
Prej kah nierit i vjen hiri?  
Kah t' ka shkue trimnija e parë  
Me fatosat t' ú Shqyptarë,  
Qi nuk dín... nuk dín shka ë tuta  
Nuk i trembë kurr pushka as huta?  
Shka t' ka gjetë, Kosova e shkretë,  
Qi po t' shof me ftirë të zbetë?

Psè, mjerisht, një thûnd'r e vshtirë  
Rrin tue t' shkelë pa kurrnji mshrirë!  
Psè t' rá ty mbi qafë mizori,  
Serbi i eger: ai gjaksori!  
Qi pa shpirt e pa farë mshrire,  
T' prishi zêmer e dishire,  
Tue të shkelë e tue t' varrue,

Tue tē vrá e tue t' coptue;  
Edhe djelmt tē gjith t' i korri:  
Mija-mija i çoi tu vorri.

U shkretnue Kosova trime,  
Ka mbetë vetem nder mjerime  
An e kând sot ndihet gjâma,  
Vaji, zija, lott e nâma.

... Zot, shka kjè gjith kjo poterë,  
Qi setcillit me i shtî mnderë?  
Psè u shkretnue kjo tokë e gjânë,  
A kjè e drejtë tē mjerë m' e lânë?  
Shekujt mbarë a kan kurr pamun  
Kaç dishmorë per dhé tē ramun?  
Si s' t' u hoqen mizorit  
Diegiet, pjekjet, tiranit  
Qi ké hjekë prej Osmanllis  
O moj zêmer e Shqypnis!!!  
Kqyr një herë se si n' qafë Slavi  
T' rá, tē shkeli, n' gjak tē lavi.  
Edhe sot rrin me krye ultë  
Si e l'ngatueme; krejt pervujtë.  
E shkado qi t' la Turkija,  
T'a plotsoi dyfish Serbija!  
Kjani, kjani prá me mue,

Kjani, kjani pa pushue,  
Mbi Kosovë të ngrâtë e t' mjerë  
Qi e ka mblue gjith kjo poterë,  
Qi ka bjerrë shpresë e uzdajë,  
As nuk din sot kah t' i a mbajë...  
Kjajë trimni burrat qì shkuene,  
Kjajë të mirat qì mbaruene ...  
Rá Kosova, rá krejt vdekun,  
Rá pikë gjallë, rá krejt e mekun.  
Serb't si t' egjer e barbár  
Nuk kursyen kurnji shqyptarë.  
Bâne çmos me t' qitun fare,  
Moj Kosovë, Kosovë shqyptare.  
... Kaloi gzimi edhe lumnija  
Mbaroi krejt per ty burrnija,  
Qyshë se dridhesh si purteka:  
Thue t' ka ardhë mordja ase vdeka 11  
Mblidhnu t' gjith, burra shqyptarë,  
Per Kosovë dhe kosovarë:  
Britni, kjani edhe vajtoni,  
Ditë e natë kurr mos pushoni.  
Kjani vlugun e djelmnis  
Kjani lulen e Shqypnis  
Qi ka mbetë e vejë, e shkretë

E pervajshme, n' ftyrë e zbetë  
Zi dhe mnderë atjë ka rá,  
Me gjak vëndi krejt â lá !  
Qyshë e latë, o kosovarë,  
Vëndin t' uej ashtû krejt mbarë:  
Me ju djegun shpí e troje  
Me ju marrë buken buzë goje  
Pasuni lopë edhe shtjerre  
Gtânë e gjallë, tokë edhe djerre?  
Qyshë durohet Serbi n' derë  
Me ju vrá e me ju therë  
Nder zakone me u-dhunue,  
Varza e motra me u shnjerezue ?  
Me ju grî me mitraljoza,  
Me ju bâ krejt hi e bloza ...  
Kjajë, prá kjajë, Kosovë e mjerë,  
Per fatosa qi ké bjerrë.  
Kjaje vlugun e trimnís,  
Kjaje ajken e djelmnís,  
Kjaje token qi u shkretnue,  
An e kând sot me gjak mblue !  
Po a thue s' jé Kosova e parë,  
Ti qi t' dasht' nen Shqypni mbarë  
Me trimni fort e madhnove,

Nâmë e zâ tî ja naltove,  
Tî qí rrxove sá Sulltâna  
Me djelm t' ú t' letë porsi Zâna?  
Po edhè sot çdo mal e prrue  
Sí çdo koder e çdo krue  
Zâ ngadhnjimesh prap jehojn,  
Nâmin t' ând duen prap t' dishmojn.  
Si prendoi kjo kohë kreshnike,  
Per ket tokë gjithmonë fisnike!  
Kû gjimojshin pushk't breshana,  
Tuj u turrë trimat si Zâna,  
Kû si fletë, çetat anmike  
Bijshin rrash, t' mekun prej frike,  
Dhe kû kânga shungullote,  
Mal e fushë e bjeshkë jehote:  
Djelm e burra kosovarë  
Në mejdan delshin krenarë  
Mîrë mberthye me armë të leta  
E me pushkë e me shigjeta.  
Ah! u-zhduk krejt porsi n' ânderr  
Sí nji voesë e si nji gjânderr  
Gjith ajò madhní me nâmë  
Tue mos mbetë veç zí e gjâmë.  
N' at tokë t' bukur kosovare,

Kënë gjithmonë çerdhe shqyptare,  
Si me u-zhdukë kjo kohë e lume  
Per Shqypni perherë t' bekume  
Koha n' zâ e mrekullis,  
Per t' u drashtë prej Osmanllis,  
Tue lânë nâmë dhe lavd Shqypnis  
Tue shti mnnderen mbarë Turkis  
Kûr njato pushka breshâna  
Karajfile dhe shishâna  
Krissjin plot me fishkullime:  
Porsi rr'fë me bumbullime,  
E gjimojshin fushë e male  
Bjeshkë e dét e l'qej e zalle,  
Edhe zâni tuj ushtue  
Gadi Zotit i âsht afrue.  
Njallshin zêmra me krahnore  
Ndiesi t' buk'ra atdhedashnore  
Edhe e luftes kânga trime  
Gjithkund kristë bashkë me gzime.  
E thue sot: gjith ata trima  
Kan mbarue zhdukë si vetima?  
Shue me shpresa hupi, ngeli,  
Psë Kosoven Serbi shkeli?  
A thue 'i mënd se shkoi tânë shpresa,

Porsi njegulla, si vesa ?  
Mos kujtoni, ju malcorë,  
Se i perhershmi ka hjekë dorë  
Prej Kosov's qì aq fort permëndet  
Kah bjen dielli e hâna èndet.  
Jo, 'jo kurr nuk e xâ besë  
Se Kosova kshtû do t' jesë.  
Kam uzdajë n' Zotin e qiellit  
Se nji ditë rrezet e diellit  
Kan me shkrepë e me gjallnue  
Kan me shndritë e me trîmnue,  
Kan me njallë çdo shpirt shqyptarit  
Kan me i prî, po, kosovarit  
Kan me i çilë rrugen liris  
Tue ja falë kta bij Shqypnis  
Ka me shndritë kjo si brilanti  
Me kandritë ka si djamanti  
Mbi kunoren e Mbretnis  
Bashkë me atë të Çameris;  
Psë atjë nalt kurr nuk ~~thotë~~ Zoti  
Kjo Kosovë, si tym bari, ~~thotë~~  
Kshtû qì t' zhdukët e t' mbarojet  
Thûndra e anmikut ~~thotë~~ a farojë !  
Perêndija s' e ka thotë



Qi robneshë me ndëjë n' një ânë;  
Kjo qì fort martirizue  
Asht trimnìn tue trashigue,  
Qyshë se doli drita e diellit  
E na erdh kjo rreze qìllit,  
Qyshë se bota kjë krijuë  
E shqyptari kjë trajtue.  
Po dikùr kÿ tue zëmrue  
Shok't e vet, ka me fitue  
Troet e para. Thündra anmike  
Ka me u heshtë para asajë frike,  
Edhe at-herë ka me dishmue  
Me t' vertetë, tuj e besue,  
Se mbarë toka kosovare  
Å tokë shéjte, tokë shqyptare.  
Mblidhnju, prá, mor' ju Shqyptarë  
T' gjith sá jeni, e kosovarë :  
Sot âsht dita me kerkue,  
Lirin t' uej ju me fitue.  
Jení burra si vetima,  
Jeni t' rrebtë, porsi ushtima :  
Kûr në luftë keni qillue,  
Burrní mjaft keni tregue;  
Por njetash duhet burrnija.

Zêmra e ndezne: atdhedashtnija.  
Kûr kersitte, tjera herë,  
Pushka qi perhapte mnderë,  
Tokë e qiellë tue bumbullue,  
Edhe shk'ndija rreth tue l'shue,  
Dilte vrik burr' i Kosovës  
Si prej Pej's, si prej Gjakovës,  
Si prej Plavet, si prej Hotit,  
Qi i njef mirë njai sýni i Zotit,  
Si prej Kuçit a Gjilanit,  
Qi ja kan doren taganit,  
A prej bjeshk've të Planinës,  
Prej Tetovet a Gucinjës,  
Prej Kerçoves s' Kaçanikut,  
Tue ja shti mnderen anmikut.

Por shka t' thom un fill mâ parë  
Per kta trima kosovarë,  
Trima n' zâ, sokola malit,  
Kurse plaku ja del djalit,  
E nder lufta nierz mâ t' zot  
Bota kurr nuk pá dér m' sot.

Prá, Shqyptarë, kqyrni t' bashkohi,  
Porsi vllazen ju t' shterngohi,  
Lêni smirë, lêni çdo mní,

Lidhni besë, lidhni miqsi  
Votrat, fiset, nderen pshtonî,  
Tokt e hup'na sot fitoni.  
Pse ka thanë Zoti i vertetë,  
Se Kosova gjallë do t' jetë,  
Prap do t' njallet, do t' naltohet,  
Do t' qindrojë, e do t' smadhohet:  
Per nën flatrat e Shqypnís  
Ka ~~me~~ gzue vjett e lirís;  
Ka me rrnue, po, kosovari  
Qi nder dej ka gjak shqyptari.

Rrnosh e kjosh Kosova trime,  
Kjosh e lumtun, plot me gzime,  
Kjosh e rrnosh ti porsa malet,  
Porsa fushat, porsa zallet.



**E**

Çmimi: Lek 1.50